





Fondazione Diabete To  
Museo del Diabete  
Libri Antichi



DISSERTATIO INAUGURALIS MEDICA

DE

S I T I

Q U A M

NUMINE DIVINO FAVENTE

EX DECRETO

GRATIOSI MEDICORUM ORDINIS

IN ILLUSTRACADEMIA BASILEENSI

P R O

SUMMIS IN MEDICINA HONORIBUS ATQUE  
PRIVILEGIIS DOCTORALIBUS

RITE ET LEGITIME CONSEQUENDIS

*Ad D. 3. Sept. Ann. M D CC LXVI.*

H. L. Q. S.

PUBLICO ERUDITORUM EXAMINI

SUBJICIT


JOHANNES MARTIN

HELVET. GLARONENS.



DEO,  
PATRIÆ,  
PATRONIS  
ET  
AMICIS.





DISSERTATIO  
INAUGURALIS MEDICA  
DE  
SITI.

---

§ I.

**M**edicorum officium est cibi potusque salubris ac noxii discrimen, immo totius victus, quam Græci diætam vocant, rationem docere, ut homines fani juxta ac ægroti opportuno tempore in variis suis circumstantiis, maxime conducibili quantitate & qualitate alimenti atque potus uti sciant. Vehementer enim, ut latinis. CELSUS (a) ait, nocet, quoties in ejus, quod assumitur, vel tempore, vel modo, vel genere peccatur. Natura equidem homini impertivit fidos custodes, sive sensus, quorum unus consistit in appetitu, aviditate cibi, seu fame; alter in desiderio potus, sive siti & tertius in satietate, seu

A 2

ex-

---

(a) Libr. de Medicin. (2) cap. 16.



expletionem utriusque. Duo priores igitur indicant, sive definiunt tempus edendi & bibendi, tertius vero copiam cibi potusve docet. Sat enim comedit, qui se sentit cibo repletum & non plus appetit. Satis quoque bibit, qui restituta ori, faucibus, œsophago & ventriculo debita humiditate non ultra sitit. At hi sensus non solum in plurimis morbis, sed sæpe etiam in ipsa sanitate, de ordine suo ac modo deflexi, sui vel mitigationem vel mutationem, sicut alia quoque symptomata urgentia, indicant. Ad rem itaque pertinet omnium eorum proprietates & phænomena nosse. Ex quibus vero non nisi sitis indolem, causas & remedia, ea, qua potero, perspicuitate, in hoc specimine inaugurali medico exquirere mihi propositum est. Insigne ægris in plurimis morbis addit lenimen, qui nimiam eorum sitim levare potest.

## §. II.

Sitis : gr.  $\Delta\iota\psi\alpha$  est sensatio plus minusve molesta siccitatis, aut glutinositatis linguæ, oris, faucium, œsophagi & ventriculi, cum desiderio potus, sive appetitu bibendi liquidum diluens, ut plurimum frigidum potius, quam calidum, sitim restringens. Clar. J. FERNELIUS sitim esse dicit desiderium humidi frigidique (b). Secundum Celeb. Fr. HOFFMANNUM & alios sitis est appetitus liquidorum. Alias sitis quoque sumitur pro ingenti rei cujuscunque cupiditate. Ita in Evangelio Salvator noster adorandus beatos pronunciat homines, qui esuriunt sitiuntque justitiam &c. (c) Exempla plura ex script. prof. allegantur in Rob. STEPHANI Thesaur. Ling. lat. Præterea sitis etiam adscribitur corporibus inanimis; quando e. g. terra, arbores, plantæ &c. aridæ sitire dicuntur. Sed hac siti non ero sollicitus.

## §. III.

---

(b) Univ. Medic. Libr. VI. C. XII. (c) Matth. c. V.





### §. III.

Sitis sensu medico acceptæ perpetua varietas observatur, quæ a diversitate regionum, anni temporis & tempestatis, sexûs, ætatis, temperamenti, & dispositionis hæreditariæ, diætæ & consuetudinis, vel etiam aliis causis singularibus proficiscitur. In diversis autem regionibus magis vel minus siticulosis, homines cæteris paribus, vario gradu sitientes diversa appetunt liquidorum sive potus genera. Omnium antiquissima probabiliter fuere aqua, lac & fortè, quæ ex lacte præparantur. ejus serum, aut lac ebutyratum (\*). Vinum postea, cerevisia & alia plura paulatim introducta sunt. Quod si igitur in Islandia, Grenlandia aliisque terris valdè frigidis homines alia sitiunt, quam Galli, Itali, Hispani & similes alii in climate calido habitantes populi, sitis potusque discrimen in genere ab ipsis plagis, diæta & consuetudine discrepantibus pendere videtur. Hinc homines nusquam non diversis ac variis potus generibus sitim depellere solent, vel eodem quidem genere sed nunc frigido, nunc tepido aut calido. Alpicolæ e. g. nostri sitientes aqua, lacte, fero lactis & lacte ebutyrato longè magis delectantur, quam ullo alio potu, quia a teneris annis huic assueti sunt. In tractu Abbatiscellano, in Turgovia & alibi multum amant pyracium & pomacium, potum nempe ex pomis aut pyris confectum. Sinenfes multum levare sitim infuso Thee Bontii calido relationes itinerariæ perhibent. Multis in regionibus vinum aut cerevisia in potu adhibetur. Alibi non nisi aqua potum ordinarium constituit. Et sic plura alia potûs genera simplicia & composita, multis in locis haberi possunt, quibus

---

(\*) Vid. HERM. CONRING. de hab. corp. Germ. ant. & nov. caus. cum annot. S. Phil. BURGGR. not. 51. ubi & de vin. & cerev. agitur.



quibus homines vel simpliciter sitim restinguere, vel simul gulæ suavi quodam liquore inservire solent. FR. ERN. BRUCKMANN catalogum omnium potûs generum edidit. Helmst. 1722. in quo ea pro lubitu legi possunt.

#### §. IV.

Anni quoque tempus & tempestas varia sitim majorem, vel minorem produciens efficit, ut homines ad hæc vel illa potionum genera confugiant, prout voluptas, patrii mores, aut consuetudo & experientia unum, aut alterum genus palato & gulæ maxime suadent, aut etiam prout hæc vel alia in quaque regione haberi possunt. Ex quibus divites accepta quæque eligentes, cæteris paribus, non melius habent, quam pauperes ordinario sola aqua contenti. Igitur qui æstivo tempore multis in locis variis julapiis, emulsionibus, potu ex aqua, vino, succo & cortice citri cum saccharo parato, hyberno vero tempore, aut in regionibus frigidis potu ex spiritu arac, aqua, cortice & succo citri & saccharo, aliisque spirituosus, aut ubique fere & omni tempore infuso Thee Indorum; Coffee, Succolat. &c. utuntur, nonne potius, aut æque voluptatis, quam sitis & necessitatis gratia id faciunt. De potu, ob varietatem temporum CELSUS (d) salubrem habet regulam: Tempus, inquit, quoque anni considerare oportet; Hieme plus esse convenit; minus sed meracius bibere. Æstate vero & potione & cibo sæpius corpus æget. Aptissima autem est potio quam dilutissima, ut & sitim tollat, nec corpus incendat.

#### §. V.

---

(d) Libr. 1. cap. 3.



§. V.

A dispositione hæreditaria non tantum varias corporis conditiones & morbos, sed etiam animi varias propensiones & affectiones proficisci, experientia & observationes omni ævo docuere. Videtur hoc ex eo, quod HORATIUS (e) olim jam cecinit, colligi posse:

Fortes creantur fortibus & bonis.

Est in juvencis, est in equis patrum

Virtus, nec imbellem feroces

Progenerant aquilæ columbam.

Hauriunt & bibunt hinc sæpius nati & natæ nunc bonos, nunc pravos paternos atque maternos mores. Integras passim cernimus familias siticulosas & bibulas & huic ilive potus generi deditas. Gentem Germanorum antiquam bibulam ac temulentiae deditam fuisse TACITUS & alii asseruere. Sed eos Cel. THOMASIUS docte & solide refutavit (f).

§. VI.

In temperamento calido & sicco, cæteris paribus, homines magis siticulosi, quam in humido & frigido. Copia major potus igitur istis, minor his conducit. Clariss. GORTER (g) dicit, pituitosos, frigidos, cacochymicos & hydropicos non sitire ob humidi in corpore abundantiam. Attamen sæpe etiam in hisce lymphæ nimis viscida & glutinosa, aut alio modo corrupta sitim producere valet naturali majorem.

§. VII.

(e) Carm. h. IV. od. IV. (f) HERM. CONR. de Gab. Germ. hot. 39. (g) Exercitat. IV. de siti. p. m. 39.



## §. VII.

Sexus diversitas per se nullum, aut parvum discrimen sitis & potus faceret, ni a teneris annis ubique fere diæta & consuetudo diversa accederent. Utique vero in ætate diversa sitis varia quantitatem & qualitatem potus variam postulat. Infantes ad sitim levandam in ple-  
risque nobis notis regionibus, neque vinum, neque cerevisiam, aut alia similia spirituosæ pro potu admittunt, sed aquam, lac & potus lacteos, qui ad suam naturam maxime accommodati sunt. Paulatim dein aliorum liquorum copiam faciunt ætates infrequentes cum cæteris circumstantiis. Ingens quoque varietas sitis pendet a diæta & consuetudine varia. In his namque homines utuntur victu modo calefac. modo refriger. nunc humidante, nunc siccante; mox exercit. corp. mox quiete &c. quæ non possunt non sitim variam producere, ut infra sitis ætiologia docebit. At quis hac in re posset facile omnes varietates nusquam non observabiles compendio complecti & argumentum hoc penitus exhaustire.

## §. VIII.

Dividi autem potest sitis in naturalem sive sanam & præternaturalem s. morbosam. Illa etiam in nonnullis morbis subsistit, in quibus scilicet humiditas oris, linguæ, faucium &c. non tollitur, aut corrumpitur, uti e. g. in vulneribus, contus. sine febre, in catarrh. frig. ictero non febrili aliisque pluribus observatur. Hæc vero in sanitate locum habere nequit. Clariss. L. RIVIERIUS in siti morbosa porro distinguit idiopathicam a sympathica. (h) Sed hæc distinctio non videtur necessaria esse. Melius dividitur in sitim nimiam; natu-

---

(h) Comp. med. pract. libr. IX. c. IV.



naturali minorem aut deficientem f. adipfiam & depravatam. In utroque fitis ftatu, naturali & præternaturali, pro variis fupra jam commemoratis circumftantiis, nec non pro variis quoque caufis mox recensendis, varii quoque omni tempore & loco obfervantur ejus gradus. Nonne, qui bene valent, calido temperamento funt & multum laborant, præcipue in calido loco, longe magis fitiunt cæteris paribus, frigidis, otiofis & in locis minus calidis verfantibus. Igitur etiam plus bibere neceffe habent. Ipfa enim natura hoc exigit, ut vita ac fanitas confervetur. In morbis acutis febril. inflammatoriis fiti homines cruciantur fere inexplebili. In aliis minus febril. & non inflamm. minus quoque vehemens fitis & in quibusdam cafibus naturali vix major obfervatur. Et fic perpetua ejus varietas, in fanitate juxta ac in morbis occurrit.

### §. IX.

Sitis igitur docet tempus, quo potus corpori eft neceffarius & fimul quantitatem ejus falubrem. Ducem hunc & monitorem fidum, fi mortales nati in diæta, omni tempore & loco fequerentur, non ita frequenter & facile in exceffu potus multiplic. peccarent, aut extra tempus opportunum potationibus vacarent, verum potius temperantiæ ac fobrietati ftuderent. Ad hanc enim virtutem nos hortantur Religio & fana ratio. Unde, ficut in aliis rebus, ita quoque in hac aurea ifta antiquorum valet regula: Omne nimium naturæ eft inimicum, adeoque fedulo fugiendum. Scitè propterea HIPPOCRATES (i) dixit: Non fatietas, non fames, neque aliud quicquam, quod modum naturæ excefferit, bonum. Supervacaneum foret, omnia argumenta refellere, quibus nonnulli conantur defendere, aliqualem exceffum potus, præcipue vini fubinde

B

factum

---

(i) Aphor. part. I. aph. II.



factum non esse noxium. Duo eorum tantum strictim attingam, quæ rationibus medicis innixa sunt. Primum eorum ex Sacris literis allegatur, ubi legitur vinum cor hominis exhilarare; quod utique certissimum, sed duntaxat de ejus moderato usu intelligendum est. Nimia namque vini ingestio est abusus domi Dei, adeoque lege vetita. Docet quoque experientia quotidiana, vino madidos sæpius morosos esse & facile concitare rixas, ob nimis exagitatos, aut turbatos sanguinis & spirituum animalium motus. Innumera alia sunt potûs juxta ac alimentî genera, quorum usus moderatus valde proficiuus, abusus vero noxius deprehenditur. Alterum argumentum multi autumant elucere ex præcepto isto diætetico A. C. CELSI, quod in ejus de Medicina libr. I. cap. I. legitur & ita habet: Prodest etiam interdum in convictu esse, interdum ab eo se retrahere; modo plus justo, modo non amplius assumere &c. Tenendum autem est, nobilem hunc Medicum olim popularibus suis, hac regula, uti ex antecedentibus & insequentibus ejus verbis colligi potest, non intemperantiam cibi & potus, sed duntaxat variam diætam, iis maxime utilem, qui non semper in eadem regione vivere, aut eadem victus quantitate & qualitate gaudere possunt, commendare voluisse. Qui enim assueti sunt nunc in penuria, nunc in omnium rerum abundantia vivere, non facile læduntur, cum vel necessitas unius, vel occasio alterius inciderit. Romanis perpetuis bellis, in omni terræ angulo & climate, implicatis hoc præceptum imprimis conducibile fuisse videtur. At potest aliquis varia uti diæta & tamen fugere excessum in usu cujuscunque rei. Quamobrem scienter SENECA dixit (k): Non cibus nobis, non humor, non vigilia, non somnus sine mensura quadam salubria sunt. At quid opus est multis? supremus legislator Deus adorandus,

---

(k) Natur. Quæst. libr. VI. c. II.



randus, in sacris literis promisit sobriis sanitatem & vitam longævam. Contra vero ebrii, secundum S. Apostoli Pauli effatum (1) divinum regnum non obtinebunt. Nulla igitur necessitas est, quæ hominem jubet plus iusto esse & bibere, quod est contra naturam & semper animo & corpori cito vel tarde nocet. Aliter se res habet cum fame, inedia & siti, quas homines in quibusdam temporum & vitæ circumstantiis evitare nequeunt; uti in annonæ gravitate pauperes; iter facientes per regiones steriles, aut per mare victu paulatim deficiente &c. Ergo qui uti scit cibo & potu, somno & vigilia, animi & corporis exercitatione & quiete, ei bona, illi, qui non utitur recte, mala. At homines, uti SOLON dixit, nequeunt satietatem capere præsentemque victus jucunditatem moderare in tranquillitate. Satietas autem, ut alibi legitur, injuriam parit, si multæ affluant opes. Sed veniamus nunc ad ætiologiam sitis, sive declarationem causarum ejus in sanis juxta atque in ægrotis.

## §. X.

Causa proxima sitis semper est major minorve defectus humiditatis naturalis, adeoque siccitas labiorum, buccarum linguæ, palati, faucium, œsophagi & ventriculi. Qua præsentem nervuli harum partium singulari modo afficiuntur & Naturæ instinctu in animo nascitur desiderium potus. Celeberr. HALLERUS (m), causam sitis ita explicat: Quam primum inquit, hæ partes, valde sensiles & naturaliter suis mucosis & salivosis humoribus perpetuo humectatæ siccantur ex defectu secretionis novæ humorum similium, vel a salibus muriaticis, alcaliscentibus ibi hærentibus, oritur sensus sitis &c. Clariss. GOR-

B 2

TER

---

(1) Ep. ad Cor. I. c. VI. & Gal. c. V. (m) Pr. lin. Physiol. cap. XXI. §. DLXXXIII.



**TER** loc. supr. jam allegat. quoque ait, sitim ex humiditatis naturali defectu concitari. Sitis in fanitate minus molesta, quam in morbis, appetitus cibi instar, per intervalla temp. naturali modo recurrit & potu conveniente sicut appetitio cibo facile sedatur. Sitis autem morbo-  
sa persistens est, magis urget & potu non omnino restin-  
gui potest, quamdiu morbus in vigore est. A densitate sanguinis inflammatoria, in morbis acutis, sitis utpluri-  
mum inexplebilis ægros excruciat, si mens non laborat, quæ causa cito vitam tolleret, ni continuo potionibus neces-  
sariis infringeretur. Non multo minor sitis sæpe in acrimonia biliosa, alcalina &c. observatur. Plurimum igitur interest causas sitis omnes rite cognoscere. Neque enim, scienter dixit **CELSUS** (n) credunt, posse eum scire, quomodo morbos curare conveniat, qui, unde hi sint, ignoret.

## §. XI.

Causæ defectus humiditatis naturalis in organis sitis, plures admodum sunt, procatarcticæ, prædisponentes & remotæ, internæ & externæ. Ad remotas internas pertinere videntur temperamentum calidum & siccum, sive colericum & sanguineum, dispositio hæreditaria, proclivitas in morbos acutos & si quæ aliæ. Inter causas procatarcticas nunc externas, nunc internas numerantur omnia, quæ ingesta corpori, vel extus applicata, vel intus facta, humidum necessarium & naturale partium supra nominatarum, vel & reliqui corporis, nimis dissipant, aut densum, glutinosum, aut acre reddunt. Uti sunt aer æstuans in regionibus valde calidis, æstivo tempore & tempestate valde calida, in hypocaustis nimis calidis, officinis  
fuso-

---

(n) In præf. libr. de medic.



fuforiis ; aër pulverulentus in molendinis , piftrinis , lapidicinis , horreis aut ubi frumentum agitatur ac depuratur ; Balnea quoque calida , laconica , epithemata varia calefacientia , ftimulantia ; friftiones fortiores , exuftiones &c. ordinariò fitim multum augent. Ex ingeftis alimenta , potus , medicamenta acria , multum falita , aromatica , oleofa rancida , fpirituofa , valde dulcia &c. frequentiffimæ funt fitis caufæ. Ipfa etiam venena femper præter cætera fymptomata feviffima , fummam quoque excitare folent fitim. Inter caufas fitis porro reperimus vigiliam nimiam , corporis & membrorum exercitationem & laborem validum , adeoque equitationem , vectionem , natationem , faltationem , curfum , afcenfionem per aclivia loca , luctationes & ludorum varia genera , cantum , clamorem , fermocinationem , concionem & orationem longam , instrumentorum muficorum variorum inflationem aut agitationem &c. Evacuatio quævis nimia per purgantia , vomitoria , fudorifera , diuretica , falivantia &c. fitis caufa morbofa effe folet , vel ab internis caufis in febribus acutis , malignis aliisque morbis , diarrhæa colliquativa , vomitus nimius , diabetes , fudor anglicus &c. Lactatio nimia quoque aliquando fitis caufa evadit. A parte animi haud raro ira & excandefcentia vehemens fitim excitare vel augere obfervantur. Ex hisce nunc facile intelligitur : Quare molitores , tritutores , balneatores , agricolæ aliique laborantes , iter facientes præcipue in locis calidis , æftivo tempore tantopere fitiant ? Quare nonnunquam meffores a calore & fiti fere defetifcantur ? Cur a pafu ciborum nimio fale & aromate conditorum , aut nimis dulcium & glutinoforum ; vel a potu vini generofi nimis fpirituofi , vel fimilis cerevifiæ aliorumque liquorum inebriantium multa fitis ? Discrimen fitis , ab hisce caufis productæ proficifcitur ab earum intensitate varia , nec non a reliquis circumftantiis , fupra jam breviter enarratis.



§. XII.

In siti depravata ob aliam causam junctam, potum homines appetunt inconsumtum: e. g. sanguinem, acetum, aquam salisam &c. Hanc autem Clar. RIVERIUS (o) & alii ad picam s. malaciam rejiciunt. De hac agere igitur supersedeo.

§. XIII.

Sitis imminuta s. naturali minor haud valde frequens, neque ordinariò ut symptomata urgens, molestum, aut periculosum, sui vel ablationem, vel mitigationem indicat. Causa ejus proxima utplurimum in abundantia humidi naturalis partium supra commemoratarum, aut totius corporis quærenda est. Temperamentum, aër, victus humidus, multa quies, dispositio hæreditaria, longa assuetudo &c. ut causæ antecedentes & prædisponentes considerari possunt. Quarum ultima: quantum possit efficere, incredibile dictu est. Nonnunquam enim observamus homines, qui a longo tempore parcè bibere assueti, in morbos conjecti, tamen, urgente quamvis majore siti, vix eo adigi possunt, ut majorem potus copiam ingerant.

§. XIV.

Abolita sitis s. adipisia vix unquam nisi in morbis acutis, vel in melancholia & mania, quando mente alienati sunt homines, occurrit. Scire autem oportet, in morbis acutis &c. proprie sitis causam in corpore non abesse, sed sensum hunc delirio esse turbatum, sive animum alienatum ac delirantem potum non desiderare.

§. XV.



§. XV.

Diagnosin sitis Clar. RIVERIUS (p) existimat sensibus ipsis satis superque patere. Sed hoc mihi non videtur sufficere. Facile enim falli possumus. Aliquando in morbis, ut supra diximus, præsentis sitis causa proxima, æger tamen ob delirium, aut insipientiam ejus non est conscius, aut parvæ potioni assuetus, aut aliam forte ob rationem se sitire negat, vel etiam, nulla sitis causa præsentis, aut prægressa ob læsam forte imaginationem, aut malitiam se sitire affirmat. Quare hac de re ita sentio: Cum a parte corporis perspecta fuerit oris, faucium, gulæ &c. siccitas & a parte animi respondeat desiderium potus, signa hæc erunt sitis diagnostica. Una autem vel plures causarum sitis antecedentium, corpori extrinsecus, vel intus applicatæ & cognitæ signum constituunt anemniticum. Quando eas videmus applicari, sitim mox secuturam prælagire possumus. Neque vero crebra aut multa potatio signum semper est sitis & siccitatis, aut acrimoniæ &c. præsentis. Non enim infrequens est potatio sine manifesta oris, linguæ reliquarumque partium siccitate &c. Ita sæpe in prandio & in cœna vel & in consortio bibimus ob consuetudinem magis, quam ob sitim atque necessitatem. Sed de hac re plura addere superfluum foret.

§. XVI.

In prognosi tenendum est, sitim naturalem, post consuetam abstinentioniam, appetitus cibi instar, recurrentem, vel & a causis externis non nimis vehementibus ortam, salubrem ac bonæ notæ esse atque a potu salubri assumto

---

(p) loc. cit.



assumto facile depelli. At sitis præternaturalis, a causis variis, ut supra vidimus, in morbis acutis febrilibus, aut etiam in quibusdam chronicis producta, cum aliis quoque signis prognosticis, majus vel minus periculum notat, pro varietate causarum & morborum; in quibus vario gradu urget. Hujus prognosis variæ exempla nonnulla HIPPOCRATES habet: Sect. IV. Aph. 48. seq. leguntur: In non intermittentibus febribus, si externa quidem frigida sint, interna vero urantur & sitim habeant, lethale. Prædict. Libr. I. §. 57. In præcipitibus malis, si sitis temerè ac præter rationem cesset, malo est. Præn. autem 102. Vehementem sitim esse in morbis pulmonum. Porro Aphor. Sect. V. §. 27. Quibus bibendi appetentiæ noctu, iis valde sitientibus, si obdormierint, bonum. Cæterum sitis vehemens, perpetua, inextinguibilis in morbis inter ea signa referri potest, quæ nunc densitatem & immedietatem sanguinis & humorum, nunc acrimoniam alcalinam, biliosam, muriaticam præsentem (q), aut venenum assumtum, vel morbum aliquem prægressum demonstrant. Memorabile exemplum sitis inextinguibilis puellæ rusticæ, post febrem tertianam abortæ, legitur in Selector. physico-œconomicor. Tom. I. Stuttgart. 1752. edit. p. m. 233. Puella hæc singulis viginti quatuor horis, per plures annos, sine incommodo 24. libras aquæ bibisse dicitur.

## §. XVII.

Sitim naturalem nemo non sine medici consilio explere scit & si omni tempore duntaxat potus conducibilis copiam sufficientem ingereret, optime sibi consulere. At in hoc iliacos intra muros peccatur & extra. Quid enim

---

(q) BOERHAAV. Inst. med. §. m. 112. 114. 115.



enim est frequentius excessu potus vini, cerevisiæ aliorumque liquidorum spirituosorum quorum nimia ingestio ebrietatem & frequens vinolentia paulatim animi & corporis vitia producere solet. Veteres hinc jam dixerunt: Vino forma perit, vino corrumpitur ætas. Scite quoque SENECA ait: Omne vitium ebrietas incendit & detegit (r). Et quemadmodum, uti Idem alio loco inquit, copia ciborum subtilitas animi impeditur, ita non minus nimio vini, aut aliorum liquidorum spirituosorum usu animi præsentia & motus turbantur. Clariss. D. LOBB. in tractat. de cur. calc. & podagr. ope alim. inquit: Consuetudo vinum ad excessum usque bibendi perniciofa valde est. Extremum hoc fugiendum est semper. Neque vero solum in ejus, quod assumitur, excessu, sed etiam in tempore & genere &c. peccatur. Ita qui sæpe sitim depellere solent potionibus non ad corporis sui, aut temporis circumstantias accommodatis sibi haud parva incommoda dare observantur. Sunt, quibus æstivo imprimis tempore potus valde frigidus nocet. Exempla nobis fiunt SCHENKIUS (s) & FR. HOFFMANNUS (t) Ex vini, aut cerevisiæ generosioris potu homines calido temperamento subinde male habere observantur. Haustum cerevisiæ in non assuetis quandoque stranguriam producere nemo ignorat. Tempore vindemiæ mustum largiter haustum in multis choleram vel diarrhæam excitat. Et sic aliis alia vel usu intempestivo, vel generis natura mala fieri possunt. Felix igitur est, qui opportuno quoque tempore nec plus, nec minus justo bibit potioneque maxime salubri uti potest. Hoc namque plurimum confert ad sanitatis conservationem.

C

§. XVIII.

---

(r) In Epist. (s) Obs. med. libr. VII. de morte glacie ex vino haust. (t) Med. Rat. syst. cap. de hydrop. a frig. pot. Obs. V.



§. XVIII.

Proximum nunc est, ut de remediis dicamus, quibus sitim in morbis nimiam, quantum possibile est, sedare aut mitigare conamur. Hæc quippe non solum in morbis acutis & inflammatoriis, sed etiam in nonnullis chronicis, ut hydrope, diabete &c. medicis multum negotii facessere solet. Igitur ad curationem ejus requiritur sublatio, vel imminutio causæ. Hanc autem mitigare, vel paulatim depellere possunt humectantia, diluentia, attenuantia, resolventia, temperantia, refrigerantia interna externaque. Ex hisce autem in quovis casu causis morbi simul maxime opposita sunt eligenda, habita quoque ratione ætatis, sexus, consuetudinis reliquarumque circumstantiarum antea jam commemoratarum. Quod si causa siccitatis & visciditatis in ore, faucibus &c. fuerit densitas sanguinis inflammatoria, ut in pleuritide, phrenitide, peripneumonia, artritide aliisque morbis inflamm. in quibus fere semper lingua valde sicca & alba cum insidente muco tenaci, viscido, aut cuticula quasi alba vel subflavescente conspicitur. Aqua tunc fontana, optima & levissima, ad sitim leniendam pro potu ordinario, aliis omnibus præferenda est. Ubi autem hæc, sicut multis in regionibus, deficit, substitui huic potest aqua pluvialis, fluvialis, vel etiam putealis coctione, aut alio modo optime depurata & salubris redita. In Helvetia passim multi utuntur aqua illa decantata fabariensi, quæ est levissima & diutissime in vitris clausis incorrupta manet. Alii laudant aquam fontanam, mense Martio, in amplis patinis congelatam ac postea in capacibus lagenis vitreis ad solem destillatam, quæ quoque sine corruptione asservari potest & levis esse creditur. Qui aqua simpl. non contenti sunt, bibere possunt ptisanam dilutam valde, ex radicibus graminis & scorzone-ræ, aut acetosæ & fragariæ, aut hordeo paululum to-sto,



sto, aut rasura eboris & C. C. cum passulis minoribus aut simil. aliis cum aqua leviter coctis. Nonnullis ægris acceptum est infusum corticis recentis mal. citr. cum tantillo sacchari edulcor. Aliis infusum ceraforum acidodulcium siccator. aut aqua fontana, cui injecta fuerit crustula panis tosti, aut similis alius potus. Ex ejusmodi decocto, infuso, aqua simpl. fontan. vel destill. v. g. lactuc. endiv. portulac. cichor. viol. &c. cum syrup. quodam subacid. grat. uti est limon. e succ. citr. berber. rib. acetos. acetosell. vel etiam non acid. uti capill. ven. semperv. maj. flor. Bell. m. Violar. &c. Julapia parata, aut emulsiones cum semin. IV. frigid. præpar. per intervalla ægris quoque propinari possunt. Pro lubitu in quibusdam casibus, diluentibus atque temperantibus hisce potionibus immiscere possumus tantillum spiritus nitri dulcis, aut nitri crystall. Hominibus lacti & lacticiiniis assuetis, serum lactis recens, aut lac ebutyratum subinde lenimen affert. In nonnullis circumstantiis ægrorum stientium hydrogal. var. præberi possunt. Alias in febribus neque lac recens, neque vinum, neque cerevisiam tuto ægrotis commendare possumus. Infusum vero Thee Indorum dilutum, aut flor. Viol. Bellid. min. &c. modice calidum, assatim sed lente haustum non erit sine levamine. E re autem est, quælibet calide potius, quam frigide in se ingurgitare, quia magis diluere & emollire solent. Quod forte CICERO jam subodoratus est & sequenti modo declarare voluit; Sæpe, inquit, homines ægri morbo gravi cum æstu febrique jactantur, si aquam gelidam biberint, primo relevari videntur, deinde multo gravius vehementiusque affliguntur (u). In aliis morbis, nulla inflammatione, aut febre urgente, neque alia circumstantia repugnante, vino, aut cerevisiæ, aut potui ex pomis vel pyris præparato assuetis hominibus, vinum aliquod

C 2

mitius

---

(u) Orat. in H. Catil. I.



mitius aqua dilutum, vel cerevisiam tenuem, vel potum ex pomis modice bibendum indulgere possumus. Juscula cum acetosa, endivia, lactuca cocta & cum contusis femin. frigid. expressa præter potum modo commendatum quoque conducere possunt. Nitrum in pulvere diaphoretico-temperante ad reliquas morbi febrilis circumstantias accommodato, in mixtura, aut cum aqua non erit sine effectui. Extus juvat os, fauces, nares, crebro aqua tepida, nitrosa, acidula &c. colluere ejusque vapore ex vasculo, aut linteis spongiisve perpetim humectatis & applicatis ori ac naribus perpetim fovere. Clysteres quoque frequenter injici possunt, ni diarrhoea, aut aliud quid obstet, ex aqua tepida, vel sero lactis & nitro. Rotulae berber, vel trochisci ex nitro, saccharo & mucilag. gummi Tragac. facti, vel segmenta mali citr. rec. cum sacchar. vel pom. acido-dulc. aut alii fructus aciduli sacch. condit. vel cocti a nonnullis sæpius in ore detineri solent. Alii autem hæc & similia cito respuunt. Horum loco æstivo tempore, folia recent. acetosæ, vel trifol. acetos. adhiberi possunt. In sanguineis & plethoricis hominibus hæc remedia efficaciora redduntur, venæsectione ab initio morbi adhibita.

### §. XIX.

In morbis ab acrimonia alcalina, cibi, potus, medicamenta, ad sitim levandam, similia hæcenus recensitis conducunt; nempe præter aquosa, diluentia, acescentia subacida, & saponacea, quæ, sicut in reliquis casibus, ad cujuslibet ægri ætatem, temperamentum, consuetudinem &c. accommodari debent.

### §. XX.

Eadem quoque postulat ad sitim sedandum, acrimonia salina & aromatica, abstinentiam videlicet ab usu cibi



bi multo fale, aut aromate conditi, nec non potus spirituosus, acris, calefacientis &c. Igitur aquosa, diluentia, saponacea in alimentis, potu & medicamentis assumenda sunt.

### §. XXI.

Sitis ab evacuationibus nimis, in variis morbis, orta exigit præter aquosa, diluentia ut plurimum analeptica & reficientia, quæ in julapiis, emulsionibus, mixturis, tincturis, jusculis, gelatinis &c. propinari possunt. Hæc enim paulatim evacuat. nim. compescere, vires reficere & sitim simul levare possunt. Opportet autem ea eligere, quæ quantum fieri potest, simul causis diversarum evacuationum in variis morbis, opposita sunt & quæ effectum reliquorum ad morbi curationem adhibitorum auxiliorum impedire nequeunt. Sitis autem in fine purgationis fortioris, sine febre, aut alio morbo accedens facile potu consueto lentè ingesto restinguitur. Haustulus aquæ subfrigidæ, aut vini bonæ notæ &c. multis nectar erit.

### §. XXII.

Ad sitim in hydrope urgentem commendari potest potus lympham viscidam diluens, incidens, attenuans ac diuresin promovens. Aqua fontana purissima, vinum valde dilutum cum rafano rusticano infus. Decocta, infusa varia urinæ secretionem juvantia, sed grata gustatui & in quibusdam casibus acrimoniæ alcalinæ conjuncti potus quoque subacidi conducunt. Clariss. FERNELIUS (w) commendat vinum album, tenue sed vinosum tamen, nisi morbus sit a causa calida. Acidulæ etiam in nonnullis casibus forte nihil nocerent. Respiciendum autem in omni casu ad causam morbi, hujus & ægri reliquas

---

(w) Path. libr. VI. cap. VIII.



circumstantias. Eum vero recte curaturum esse, CELSUS inquit, quem prima origo causæ non fefellerit. Hac enim & reliquis modo dictis rite cognitis non difficile est ægro optimum quemque potum, partim ad sitim, partim ad morbum sanandum, vel saltem mitigandum, quantum possibile est, commendare. Sæpe namque in hoc morbo, quod OVIDIUS jam in ejus comparatione cum avaritia, notavit :

Sic quibus intumuit suffusa venter ab unda,  
Quo plus sunt potæ, plus sitiuntur aquæ (x).

Quo plus autem ægri bibunt, urina non procedente, eo magis tumor aliaque symptomata increscunt. Hinc sæpius Medici sitim tantummodo fallere conantur variis humidantibus in ore detentis.

### §. XXIII.

Inter symptomata severissima a veneno assumpto aut applicato excitata, sitis quoque fere ordinariò observatur in-explebilis. Quo in casu aqua quævis levissima, pro potu largiter haurienda est. Pro varia dein veneni natura, vel lac, vel serum lactis, vel emulsiones, julapia, decocta, infusa varia interponi possunt, quibus veneni indoles vel obtundi, vel corrigi, vel ipsum venenum e corpore expelli possit.

### §. XXIV. !

Ad sitim in peste & aliis morbis acutis, malignis, mitigandam, pro re nata potus diluentes, aquosos, sub-acidos plerique Medicorum ægris præbere solent. Diligentiss. atque Exper. olim Amstelodam. Medicus & Profess. ISBR. DE DIEMERBROECK peste correptis pro potu concessit cerevisiam claram, tenuem & mediocrem ex optima aqua confectam, ut & vinum tenue modice sumtum, vel solum, vel potius admisto succo citri recens expresso, vel

impo-

---

(x) Fast. libr. I.



imposito frusto pomi citr. vel aurant. vel granat. acid.  
 (y) Alio loco iterum hæc habet: sitim, inquit, magnam  
 diu perferre omnino prohibuimus. Plerisque pro potu  
 dedimus cerevisiam tenuem, hæc enim est instar decocti  
 hordei fermentati, vel solum, vel admistis aliquot olei  
 sulphuris, aut vitrioli guttulis; aliis decoctum hordei  
 simplex cum succo citri; aliis julepos refriger. ac maligni-  
 tati resistentes, ex aquis stillat. acetos. scab. card. ben.  
 cichor. borrag. cum succo citr. & syr. granat. acid. vel  
 acetos. citr. &c. Aliis aquam fontan. puriss. solam, vel  
 cum pauc. succ. citr. concessimus. Sitim nimiam sæpe  
 fallere jussimus cum frustulo pom. citr. in ore detento,  
 vel paul. mastic. vel cum pauxillo pulp. tamarind. vel  
 cum foliis sedi major. quæ detracta exteriori pellicula &  
 aquæ frigid. immacerata, linguæ imponebantur. &c. (z).

Hisce nunc, si tibi L. B. non satis accurate docere  
 videor, quibusnam potûs generibus sitientibus, in variis  
 circumstantiis occurrere conveniat, meliori tuo judicio,  
 experientia atque benevolentia, defectum, ut suppleas erro-  
 resque amice corrigas, iterum atque iterum rogo.


F I N I S.

(y) Libr. de peste II. cap. VI.

(z) Libr. III. cap. II.







Hic dies vere mihi festus-

H O R A T. Carm. libr. III. Od. 14.

---

Nur voller hüpfender Empfindung  
entglüht mein Herz, das dir gewenht,  
und singt mit schwellender Entzündung  
ein Lied bei dieser Festlichkeit.

Wem winken diese Ehrenstufen -  
wem diese Würde, diese Zier-  
wem wird so jubelnd zugernsen -  
und wen erblick ich freudig hier?

\* \* \*

Nur fort! dir wirfst in frohen Chören  
die Weisheit selbst den Purpur an.

Du -- du befolgtest ihre Lehren,  
betritt nun kühn die Ehrenbahn.

Sie will dich heute stolz erheben  
dir winkt Verdienst und dauernd Glück,  
sie siehet dich gedoppelt leben  
und lächelt mit zufriednem Blick.

Hygaa



\* \* \*

Hingaa hört ich selbst den rufen  
 in dir sey auch ihr Wunsch erfüllt,  
 sieh die verdienten Ehrenstufen  
 aus welchen grössers Glücke quillt;  
 Durch die dein Ruhm stäts höher steigt  
 der Musen Liebling -- würd'ger Sohn!  
 von dem noch einst ein Enkel zeuget  
 diß -- diß sey deines Fleisses Lohn.

\* \* \*

O Tag voll Wonne -- voll Vergnügen!  
 o längst gewünschter froher Tag!  
 heut -- heute soll nur Freude siegen  
 die keine Runzeln leiden mag.  
 Selbst finstre Gäste finstrer Seelen  
 soll dieses Tages Feur zerstreun,  
 sie mögen sich sonst immer quälen,  
 nur heut soll alles freudig seyn.

Aus wahrer Freundschaft beigesetzt von  
 M. Sebastian Spörlin.

D

Cum



\* \* \*

Cum Tibi Doctoris Medici tradantur honores  
MARTINE Studii præmia digna tui:  
Quid Tibi, cum multis communia gaudia testans,  
Et jungens aliis sic mea vota, precer?  
Vive diu, longumque, tuo Patri modo in isthoc  
Dissimilis, quem mors heu! cita fustulerat.

Sic foveat ex animo

FRIDOL. STEGER,

Medic. & Pharmac. Cultor,

Helvet. Glaronenf.









